

Յերկնահանգէս տօնի հոգեհորոգ ուրախութեան վեհապաճ
Օծման՝ Գեորգ Ե. Մայրազոյն Պատրիարք Կաթողիկոսի եւ Արքա-
նասուրբ Հայրապետի ամենայն Հայոց.

20 Ն

«Այսօր ուրախացեալ ցնծան երկնից բազմութիւնքն
ի նաւակաւս Ս. եկեղեցւոյ, քանզի շնորհեցաւ մեզ
քահանայապետ յաւիտենից՝ ի լուսաւորել զկաթողիկէ
Ս. եկեղեցի»։ (շարական)

Ո՛վ Դու՝ փառաւորեալդ երկնային փառօք՝ աստուածակա-
ռոյցդ Մայր էջմիածին—Լուսակերտ Սիօնդ Հայկեան, թաղդ
պարծանաց պարթեազնեայն Մեծին Տրդատայ եւ նորինն Սրբոյն
Դրիգորի՝—գերերջանիկ Բ. Լուսաւորչի Հայաստանեայցս, որ
ընտրեցար լինել Տեղի Իջման որդւոյն Աստուծոյ՝ հիմն եւ նախա-
թոռ նուիրական գահոյից հայազան առաքելականն Կաթողիկէ
եկեղեցւոյ։

Քեզ ի յերկնուստ անտի շնորհեցաւ կենարարն շունչ հո-
գենորոգ վերածնութեան արամազնէիցս համայն՝ առ ի լինելդ շակ-
մարան երկնաձիր շնորհաց եւ անսպառ աղբիւր Աստուծայնոյն
գիտութեան եւ գաւազան շնորհարաշխ իշխանութեանց արժանըն-
տիր կոչեցելոցդ ի հովութիւն։

Ո՛վ սերկեանս երանականն մեծի սքանչելեաց՝ զարմանա-
հրաշ հանդիսիդ՝ կատարելոյն ի վերայ սրբազան բարձանց ար-
քայապետի մեծի սեղանոյդ երկնապարգե իշխանութեան, ուր
հրաշափառապէս երկնիս եւ ծնանիս քահանայապետ յաւիտենից՝
ի զօրացուցանել եւ ի լուսաւորել զբանաւոր անգաստան հայրա-
տունկ այգւոյն նախկին Լուսաւորչացն թաղէի եւ Բարդուղիմեայ
Սրբազնից առաքելոցն Հայաստանեայց։

Որ օծանես զընտրեալն Աստուծոյ ի վերայ թևոց երկնա-
սլաց արծւոյն՝ Հայրապետականն խորհրդանշանի՝ զեղմամբ սըր-
բալոյսն միւռոնի եւ շնորհաց կենդանարարն առատագեղ Ս. Հոգ-
ւոյն, ի հովուապետութիւն ընդհանրականն հայ եկեղեցւոյն։

Օ՛ն ուրեմն՝ ուրախ լեր եւ ցնծա Մայր Սիօն՝ համասփիւռ
դատերօքդ հանգերձ, հանելով զպատմուճան լալեաց սգոյդ, ի
զգեցումն պերճափառ վայելչութեան փառացն յաւիտենականին։

Պայծառացիր հանդիսարանդ վեհապանձ՝ ի յերկնադորդն
հանդէս հարսանեացդ՝ փառաշուք պսակման Մեծի Փեսայիդ որ-

բացեալ եկեղեցւոյդ՝ յանդրաւականն ուրախութիւն ծոցածին հա-
րազատիցդ՝—մանկանց Մեծի և Ս. Սիօնիդ:

Փառս բիւրապատիկս վերառաքեմք Քեզ, հրաշագործ ձառ-
տարապետեալդ յերկնոստ՝ կարակնականամար տաճարդ արքայաշէն,
խարխիսդ ամրակուռ, նաւահանգիստ անքոյթ տանն ողջոյն արա-
մազնէիցս, որ այսօր յաղթականն պսակաւ Փեսայիդ Քառաց՝
լնուս զամենեւեանս անճառելին ինդութեամբ՝ շնորհարաշխելով
համազգային և կայսերական իրաւամբ և օրինօք պատուեալ քա-
հանայապետ քաջարթուն և բարի՝ ի լցումն լրման պիտոյից—կա-
րեաց համանգամայն բարօրութեան եկեղեցւոյ և որերոյն ողջոյն:

Փառք և Քեզ՝ փառաւորեալդ փառօք Տ. Տ. Գեորգ Ե. Աս-
տուածապսակ Սրբազնասուրբ Հայրապետ Համայն Հայոց, որ ի
լրումն նուիրապետականութեան օրինաց և կարգաց՝ ի ձեռն եր-
կոտասան առաքելասարաս արքեպիսկոպոսաց և եպիսկոպոսաց
բազմեալ Լուսաւորչեանն գերազան աթոռ դատողական՝ առ ի դա-
տել զամենեւեանս՝ վերակոչեցար լինել ընդունարան եօթնարփեան
շնորհաց հոգւոյն՝ ի բաշխումն կարօտ հօտիդ ժիր մշակ՝ ի հեր-
կագործութիւն, և հովիւ քաջ՝ ի սերմանումն անձայրածիր ան-
դաստանեայցդ ազգայնական անաղարտ Ս. Եկեղեցւոյդ և խա-
շինդ արօտի Բանին կենաց և իմաստութեան:

Արդ՝ ուրախ լեր և պանծաւ շնորհազարդ Քահանայապետ
Մեծ՝ ի տես ի Քեզ խուռն երամովին ինքնայօժար դիմեալ պատ-
կառելի բազմութեան՝ եկելոցն ի մօտիցն արեւու ցելս նորին, որոց
տարակեաց, համարնակ՝ հարք և մարք, եղբարք և քորք և մա-
տաղերամն զաւակունք՝ ի մեծաշուք բարերթիդ՝ և ցանկալի վե-
րադարձիդ յարքայանիստ քաղաքն մեծ՝ առ Օգոստափառ Կայսրն
Մեծին Ռուսիոյ Նիկօլայ Ալէքսանդրովիչն՝ առ յոյժ սիրեցեալ
Մեծ Հովանարար Թագաւորն մեր, առ ճանապարհանն ողջոյն՝
չ՛դադարէին ի համբուրելոյ քղանցից հանգերձիցդ, և սփռելոյն
զառաթուրս զարշապարացդ՝ հոյլ ի հոյլս բիւրապսակ, անուշաբոյր
երփներանդ ծաղկանց, որք և ի ձայն որոտալից, սրտաբուղիս ու-
սաննայից փառաւորէին զՏուրիչն բարեաց յերկինս:

Ուրախ լեր և բերկրեան, և դու բազմավիշտ ժողովուրդ հա-
յոց, որ ջատագովականն մարտիրոսութեամբ դիւցազնեայ հարցդ՝
բարձր ի գլուխ պահեցեր ոչ միայն Զքեզ և Զեկեղեցիդ, այլ և
զաթոռ և դաւադան նուիրապետականութեանն, որպէս զաւանդ
մայրենի կրօնի և լեզուի, ի կենդանութիւն և ի փառս անուանդ:

Օրհնութիւն Քեզ և քոյդ դարուց ի դարս յաւերժ յիշատա-
կաց արժանի նախնեացդ:

Վեհափառ Տէր! Աստուածարեալ Վեհ Հայրապետ!

Օրհնեան և զամենեւեանս, որ կամք յակնածալիւրն յողջոյն խոնարհագոյն որդիականն համբուրից Սրբազնասուրբ Աջոյ Օծելոյդ:

Օրհնեան և զայնոսիկ, որք ենն ի սիւրսու և յոլորտս աշխարհաց և ազանց՝ կարօտիւ շնորհացդ:

Զօրացո՞ղ զմեզ զամենեւեանս զօրութեամբ Ս. Հոգւոյն՝ ի զօդ անքակտելին միութեան և համադոււմար լրման հայ անուան և ազգայնութեան և կրօնի, որ ընդ Օծեալ Աստուածատիւլ զապաթանդ և Գլխոյդ Հայազն ընդհանրական կրօնի և Աստուածակերտ լուսածին Կաթողիկէիդ՝ անմահիցն Լուսաւորչի, Տրդատայ, Աշխէնի, Խոսրովադիստի, Վռամշապուհւոյ, Մեծին Ներսիսի, և թարգմանչացն Սահակայ, Մեսրոպայ, և Սրբազնից աշակերտացն՝ պարգևողացն երանաւէտ լուսոյ Քրիստոսեան հաւատոյ և շնորհարաշխօղացն հայ գրչի գիտութեան և հանճարոյ և կաճառացն իմաստնից և բարոյից, որք կանն աղօտացեալ և կարօտին խոհականն վերածնութեան վերանորոգ կանոնաց հովանարար Աջոյդ խնամած տնօրէնութեան:

Արդ՝ ի՞նչ հանրատենչ Ս. Հայրապետ! Մեր ամենեւեան շուրջ պատեալ զաթոռով Գահոյիցդ՝ սրտատրոփ խնդութեամբ լիւլին բերկրանաց՝ մատչիմք ի շնորհաւորումն Վեհագոյն Սրբազնասուրբ Օծմանդ, վերառաքելով առ Բարձրեալն աղօթս ցնծազին մաղթանաց՝ գոչեմք միաբերան ի ձայն քաղցրաւաչ.—

«Հրաշափառ Աստուած և միշտ բարեխնամող, փայլեցո՞ղ զմայրն մեր Սուրբ Էջմիածին՝ զսիրտն հայութեան՝ զորդւովք իւրովք, որպէս զարեգակն, և շնորհազարդ պայծառացո՞ղ զկեանս և զգաւազան իշխանութեան մերոյ Նորապսակ Հայրապետիս՝ և զգործս ձեռացն՝ և մերս ամենեցուն, զի օրհնեցուք զքեզ Տէր, այժմ և յաւէտ, քանզի շնորհեցաւ մեզ քահանայապետ յաւիտենից՝ ի լուսաւորել զԿաթողիկէ Ս. եկեղեցի և զհամատարած մանկունս Նորին ի փառս Բարձրելոյն»:

Ամենախաճառն ծառայ եւ օրդի.—

Միաբան Մեծի ուխտի Մայր Աթոռոյ

Սիօն վարդ. Տէր Մանուէլեան.

1912 1-ն Յուլիսի

ի Վաղարշապատ.